

Broj :05-45-32766-2/26
Sarajevo , 25.03.2026.godine

**PARLAMENT FEDERACIJE
PREDSTAVNIČKI / ZASTUPNIČKI DOM**
Tajnik /Sekretar

**Hamdije Kreševljakovića br. 3.
71 000 Sarajevo**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 30-03-2026			
Org. jed.	Broj	Priloga	Vrijednost
05/1	-02-	117	26

PREDMET: *Odgovor na zastupničku inicijativu koju je podnijela zastupnica Alma Kratina, dostavlja se*

Veza: *Vaš Akt broj: 05/I-02-117//26 od 13.03.2026.godine*

Poštovani,

U vezi Vašeg Akta broj i datum gornji (zaprimljenog dana 17.03.2026.godine) odnosno zastupničke inicijative koju je podnijela zastupnica Zastupničkom domu Parlamenta Federacije BiH Alma Kratina na 29. redovnoj sjednici Zastupničkog doma Parlamenta Federacije Bosne i Hercegovine održanoj 11.03.2026.godine, u prilogu ovog akta se dostavlja **Odgovor na navedenu zastupničku inicijativu.**

Treba napomenuti da je Vaš Akt broj:05/I-02-117//26 od 13.03.2026.godine, naslovljen na Vladu Federacije BiH i Zavod zdravstvenog osiguranja i reosiguranja Federacije BiH, te da je isti dostavljen Federalnom ministarstvu zdravstva i ovom Zavodu i od strane Vlade Federacije BiH, uz njihov Akt broj:03-04-555-28/2026 od 17.03.2026.godine (zaprimljen dana 19.03.2026.godine sa priloženom navedenom zastupničkom inicijativom).

S poštovanjem,

Priloga(1)

- Dostaviti: 1. Naslovu
2. Vlada Federacije BiH
Hamdije Čemerlića br.2
71000 Sarajevo
Tajnik Vlade C.O.
3. Federalno ministarstvo zdravstva C.O.
4.a/a



DIREKTOR

Izv. prof. dr. sc. Vlatka Martinović, dr.med.





Broj : 05-45-5-2766-1/26
Sarajevo , 25.03.2026.godine

ODGOVOR

*NA ZASTUPNIČKU INICIJATIVU KOJU JE PODNIJELA ALMA KRATINA, ZASTUPNICA
U ZASTUPNIČKOM DOMU PARLAMENTA FEDERACIJE BIH*

Sarajevo mart 2026. godine

Adresa: Trg Heroja 14, Sarajevo
Telefon: +387 33 728 700
Fax: +387 33 655 856
E-mail: zavod@zzofbih.ba
Web: www.zzofbih.ba
JIB: 4200642000008

UNION BANKA Sarajevo

Depozitni račun, KM: 102 05 000 000 64018
Glavni transakcijski račun, KM: 102 05 000 000 70808
Transakcijski račun, KM: 102 05 000 000 88753
Transakcijski račun, KM: 102 05 000 000 26964
Transakcijski račun, EUR: 102 05 000 000 70808
IBAN CODE: BA39 102 05 000 000 70808



U vezi zastupničke inicijative koju je podnijela zastupnica u Zastupničkom domu Parlamenta Federacije BiH Alma Kratina na 29. redovnoj sjednici Zastupničkog doma Parlamenta Federacije Bosne i Hercegovine održanoj 11.03.2026.godine, daje se, u okviru nadležnosti Zavoda zdravstvenog osiguranja i reosiguranja Federacije BiH, vezano za navedenu inicijativu da se „kontinuirani senzori za mjerenje glukoze (libre senzori) osiguraju za sve trudnice u Federaciji BiH koje boluju od dijabetesa melitusa tipa 1, odnosno da trudnice sa dijabetesom tipa 1 imaju obezbjeđene kontinuirane senzore za mjerenje glukoze u potpunosti pokriveno iz Federalnog zavoda zdravstvenog osiguranja", sljedeći:

ODGOVOR

I

Prije svega, a u vezi nadležnosti ovog Zavoda, vezano za nabavke lijekova i medicinskih sredstava te i traka i aparata za kontrolu dijabetesa te i inzulinskih pumpi koji se finansiraju sredstvima federalnog fonda solidarnosti, daju se slijedeće informacije.

Naime Zavod zdravstvenog osiguranja i reosiguranja Federacije BiH u okviru svojih nadležnosti, saglasno odredbama Odluke o utvrđivanju osnovnog paketa zdravstvenih prava ("Službene novine Federacije BiH", broj: 21/09), te odredbama Odluke o utvrđivanju prioritetnih vertikalnih programa zdravstvene zaštite od interesa za Federaciju Bosne i Hercegovine i prioritetnih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH", br. 08/05, 11/07, 44/07, 97a/07, 33/08 i 52/08 – u daljem tekstu - Odluka o prioritetima) iz sredstava federalnog fonda solidarnosti, finansira prioritetne vertikalne programe zdravstvene zaštite od interesa za Federaciju Bosne i Hercegovine i prioritetne najsloženije oblike zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine.

Dalje se napominje da saglasno tački tački IX stav 2. pod 1. d. Odluke o utvrđivanju osnovnog paketa zdravstvenih prava („Službene novine Federacije BiH”, broj: 21/09), osnovnim paketom zdravstvenih prava obezbjeđuje provođenje preventivnih programa i programa unapređenja zdravlja kod djece i drugih zdravstvenih usluga pa i nabavka traka i aparata za kontrolu dijabetesa, a koji se finansiraju sredstvima Federalnog fonda solidarnosti.

Takođe saglasno tački II pod f) i tački III stav 1.pod f) Odluke o prioritetima sredstvima federalnog fonda solidarnosti finansiraju se, između ostalog i programi unapređenja zdravlja kod djece te i nabavka traka i aparata za kontrolu dijabetesa.

Dakle u okviru tog programa, koji se finansira sredstvima Federalnog fonda solidarnosti ovaj Zavod vrši nabavku aparata za kontrolu dijabetesa u krvi (mjerenje šećera u krvi) te traka/trakica za kontrolu dijabetesa u krvi (određivanje šećera u krvi) i to za osigurane osobe do 18 godina života (za djecu do 15 godina života, kao i starije maloljetnike do 18 godina života), kod kojih je utvrđen dijabetes.

Takođe ovaj Zavod vrši i nabavku inzulinskih pumpi za djecu insulinoovisnike, a saglasno Uputstvu i kriterijima o primjeni inzulinskih pumpi na koje je Federalni ministar zdravstva dao prethodnu saglasnost, a u istom se, preciziraju pojam/definicija i indikaciona područja kod primjene inzulinskih pumpi, prednosti terapije pomoću inzulinskih pumpi, upotreba inzulinskih pumpi kod djece i adolescenata, edukacija i uvođenje inzulinske pumpe u terapiju, kriteriji za uvođenje inzulinskih pumpi, prekid terapije inzulinskom pumpom, finansiranje, nabavka, isporuka nadležnim klinikama, preuzimanje i povrat inzulinskih pumpi Osim navedenog u Uputstvu je definisano da Federalni zavod finansiranje inzulinskih pumpi vrši u skladu sa raspoloživim sredstvima, a da se nabavka vrši u skladu sa odredbama

Zakona o javnim nabavkama ("Službeni glasnik BiH", br. 39/14, 59/22 i 50/24) i to bez potrošnog materijala – setova, za nastavak korištenja, a koje finansiraju i nabavljaju kantonalni zavodi zdravstvenog osiguranja.

Na osnovu tačke XIII stav 3. Odluke o osnovnom paketu koju je donio Parlament Federacije BiH, postupak ugovaranja zdravstvenih usluga pa i naprijed navedenih traka i aparata za kontrolu dijabetesa kao i inzulinski pumpi provodi se kroz postupak javnih nabavki saglasno odredbama Zakona o javnim nabavkama ("Službeni glasnik BiH", br. 39/14, 59/22 i 50/24) pri čemu je u provođenju postupaka javnih nabavki koja se finansiraju iz sredstava federalnog fonda solidarnosti, pa i javne nabavke nabavka traka i aparata za kontrolu dijabetesa i javne nabavke inzulinskih pumpi za djecu i adolescente insulinoovisnike, Federalni zavod, ugovorni organ.

Dakle navedenim propisima je precizirano da se ova medicinska sredstva nabavljaju za „osigurane osobe do 18 godina života (za djecu do 15 godina života, kao i starije maloljetnike do 18 godina života), kod kojih je utvrđen dijabetes" odnosno za „djecu i adolescente insulinoovisnike". Dakle nabavka ovih medicinskih sredstava pa i „senzora za mjerenje glukoze (libre senzora) za sve trudnice u Federaciji BiH koje boluju od dijabetesa melitusa tipa 1" sredstvima federalnog fonda, a kako je i traženo u predmetnoj inicijativi, nije propisana pozitivnim propisima niti su za ove nabavke, samim tim, obezbjeđena i planirana sredstva u federalnom fondu solidarnosti.

II

Osim navedenog napominje se da Zavod zdravstvenog osiguranja i reosiguranja Federacije Bosne i Hercegovine nije nadležan za autentično tumačenje odredaba Zakona o zdravstvenom osiguranju („Sl. novine Federacije BiH“ br.30/97, 7/02, 70/08, 48/11 i 36/18), odredaba Zakona o zdravstvenoj zaštiti ("Službene novine Federacije BiH", br. 46/10 i 75/13) niti odredaba Odluke o utvrđivanju osnovnog paketa prava ("Službene novine Federacije BiH", broj: 21/09) koji su i direktno vezane za predmetnu inicijativu, nego je za isto nadležan Parlament Federacije BiH kao donosioc ovih Zakona kao i Vlada Federacije BiH u pogledu Odluke o prioritetima kao donosioc iste. Takođe ovaj Zavod nije nadležan saglasno članu 22. Zakona o organizaciji uprave u Federaciji BiH („Službene novine Federacije BiH", broj 35/05), da daje stručna pojašnjenja odnosno odgovore na pitanja vezana za izvršavanje navedenih zakona i odluka odnosno pojedinih odredbi istih, nego je za isto nadležno, kao organ uprave iz sektora zdravstva, Federalno ministarstvo zdravstva.

Također saglasno članu 2. Zakona o organizaciji uprave u Federaciji BiH („Službene novine Federacije BiH", broj 35/05) organi uprave, pa i Federalno ministarstvo zdravstva, „su dužni da u poslovima iz svoje nadležnosti, pripremaju zakone i druge propise kada o tome odluči organ zakonodavne ili izvršne vlasti, odnosno kada samostalno ocijene da je potrebno donijeti zakon ili drugi propis ili treba izvršiti izmjene i dopune zakona ili drugog propisa iz oblasti za koju su nadležni.." te i Zakona o zdravstvenoj zaštiti („Službene novine Federacije BiH", br.46/10 i 75/13), Zakona o zdravstvenom osiguranju kao i Odluke o utvrđivanju osnovnog paketa zdravstvenih prava i Odluke o prioritetima.

Osim navedenog na osnovu odredaba Pravila i postupaka za izradu zakona i drugih propisa Federacije Bosne i Hercegovine („Službene novine Federacije BiH", broj:71/14) „postupke za izradu pripreme propisa", „učestvovanje zainteresirane javnosti u postupku pripreme pravnih propisa i drugih akata" tj. informisanje „zainteresirane javnosti" „konsultacije", uključivanje zainteresirane javnosti kroz „članstvo u radnim tijelima" kroz „partnerstvo" obezbjeđuju nadležni federalni organi odnosno Federalno ministarstvo zdravstva kao obrađivač federalnih propisa iz sektora zdravstva te i Vlada Federacije BiH.

Saglasno prethodno navedenom Federalno ministarstvo zdravstva je nadležno za pripremu zakona i drugih propisa, kao i izmjene i dopune zakona ili drugih propisa iz oblasti za koju su nadležni, pa i Zakona o zdravstvenoj zaštiti, Zakona o zdravstvenom osiguranju, te i Odluke o utvrđivanju osnovnog paketa kao i Odluke o prioritetima, odnosno nadležno za eventualnu dopunu Odluke o osnovnom paketu zdravstvenih prava i Odluke o prioritetima, na osnovu koje bi se tada, odnosno njihovim dopunama, pored navedenih medicinskih sredstava i „senzori za mjerenje glukoze (libre senzora) za sve trudnice u Federaciji BiH koje boluju od dijabetesa melitusa tipa 1" nabavljali iz sredstava federalnog fonda solidarnosti, a što bi bio preduslov za uvrštavanje istih u program zdravstvene zaštite koji se finansira sredstvima Federalnog fonda solidarnosti, kojeg za svaku kalendarsku godinu donosi Upravni odbor Zavoda zdravstvenog osiguranja i reosiguranja Federacije BiH, uz prethodnu saglasnost Federalnog ministra zdravstva te i osnov za uvrštavanje u finansijski plan federalnog fonda solidarnosti.

U pogledu predmetne inicijative, saglasno prethodno navedenom ponavljamo da je Federalno ministarstvo zdravstva nadležno za pripremu zakona i drugih propisa, kao i izmjene i dopune zakona ili drugih propisa iz oblasti za koju su nadležni, pa i Odluke o utvrđivanju osnovnog paketa kao i Odluke o prioritetima.

III

Dakle ovaj Zavod u okviru svojih nadležnosti u potpunosti obezbjeđuje ostvarivanje prava na zdravstvenu zaštitu djece i adolescenata insulinoovisnika obezbjeđenjem za ove korisnike nabavke traka i aparata za kontrolu dijabetesa i inzulinskih pumpi, a koje je vezano za programe zdravstvene zaštite koji se finansiraju sredstvima federalnog fonda solidarnosti, odnosno koje su u nadležnosti ovog Zavoda i koji su navedeni u tački I ovog akta.

Postupanja vezana za inicijativu za „, da se „kontinuirani senzori za mjerenje glukoze (libre senzori) osiguraju za sve trudnice u Federaciji BiH koje boluju od dijabetesa melitusa tipa 1, odnosno da trudnice sa dijabetesom tipa 1 imaju obezbjeđene kontinuirane senzore za mjerenje glukoze u potpunosti pokriveno iz Federalnog zavoda zdravstvenog osiguranja" nije u nadležnosti ovog Zavoda, nego drugih gore navedenih nadležnih organa koje bi trebali učestvovati u rješavanju istog odnosno postupati po inicijativi, a ovaj Zavod se, u okviru svojih, nažalost ograničenih nadležnosti, uvijek stavlja odnosno stavlja na raspolaganje za poduzimanje onih aktivnosti, naravno iz njegove nadležnosti, koje bi mogle doprinijeti rješavanju određenih pitanja/inicijative te tako, ako bude potrebno i pošto se radi o jednoj od najosjetljivijih kategorija-trudnicama i rješavanju ovog pitanja/inicijative.

Ovaj Zavod, ostaje, kao i do sada, na raspolaganju za davanje, saglasno pozitivnim propisima i na Vaše traženje i drugih potrebnih informacija iz njegove nadležnosti rada.

S poštovanjem,

Dostaviti: 1. Naslovu

2. Vlada Federacije BiH
Hamdije Čemerlića br.2
71000 Sarajevo
Tajnik Vlade C.O
3. Federalno ministarstvo zdravstva C.O.
4. a/a

Izv. prof. dr. sc. Vlatka Martinović, dr. med.



DIREKTOR